

Ayuirhainiq Qangaraaluknitamik Mirhurniqmut Ayuirhainiq Pangniqtuup Mirhurvingani

Tamna “Pangnirtung Mirhurniqmut Ayuirhaqniq - Qangaraaluknitamik Aanuraanik,” ayuirhapkaiyut ukiakhami 2016. Iihapakaiyut malruuk Inirniriit ayuittiaqhimayut mirhuriamikni qangaraaluknitamik aanuraanik. Taamna ilihaidjut ihumagilluaqtait ilihainiqmut ihuatqianganihlu hanalrutinik ihariagiyyut aanuraaliuriamikni. Inirniriit ayuirhaiyut mirhurninnganut ayuitaminik ihariagiyauyuq taimaa naunairiami qangaraaluknitamik takuninnga mihiknaqningalau aanuraat nakuuqpiyaqtumik pihimayut, qangaraalukmitut. Ilauyut ayuirhaqtullu aminganik ihariagiyyut piliuriamikni qangaraaluknitamik aanuraanik qanuqtullu hapkuat amingit piyyut Inuinnait pitquhinginnut.

Pitillugit taamna ilihaidjut, tallimauyut ilauyut ayuirhaqtut kamiliuriamiknik amiqmit, tallimattaug aadlat ilauyut ayuirhaqtut nattimik atigiliuriamiknik. Taamna ilihaidjut aliagiyaupiaqtuq, taimaa 200nik ilauyunit.

“Pitquhriyavut, inuuhiqput,
puiguqtailiyakhavut pitquhivut.
Hivulliqaavut atuqpagaat,
akhuurutauyuq ayuiriama qanuqtut
mirhuriami, talvuuna angiqtung
ayuirhariaamni kamiliurniqmut.
Quviahuktunga ilaugama uumani
ayuirhautiyunik.”
– Oleepika, Inirniriit Iihapakaiyuyuyq

Pangnirtung Nunallaani Aanniaqtailinikkut Inuuhirittiarnahuarnirmullu Katimayiingit aliahukpiaqtut ilihaidjutimut talvuuna ilaliutiyumayait nutaamiknut Nunallaani Inuuhirittiarnahuarninganut Ihumaliurutinganut taimaa inungit pihimahimmaariamiknik taimaa akuniraalukmut.



Ilauyut Pangnirtung kamiliuqtuni/atigiliuqtuni ilihaiyut hamma: Jeannie Metuq, Eva Nakashuk, Annie Shoapik, Lourie, Nakashuk, Lucy Kuluguqtuq, Mona Diolla, unalu Grace Metuq (Grace-siup maamaa, Lucy Metuq, kamiliuqtaa) (Piksaliurhimayaa David Kilabuk)

“Akhuraaluk akhuurutigiyayuyq ayuiriama qangaraaluknitavut ilumuurutivut Inirniriit inuullaktillugit ilihapkaigiaptiknik ayuitamiknik, ilitquhivut atuinnariaptiknik,” uqaqtuq Mona Diolla, tutqirhaiyuyuyq mirhuqtunut ilihapkainganut. Mona uqaqtaalu akhuurninnga qimaktailipluni taimaa tamaita havaangit ilaliutihimakmat aanuraaliurniqmut, akhuuquyayit aadlat taimailuqplugit ikayuqtaukmata aanniaqtailininnga ilauyunit inungillu tamaat.

Niqitsiavut – Qamaniittuaq Niqiqattiarniq Havauhikhaq

Niqitsiavut niqiqattiarniq havauhikhaq Qamaniittuaqmi aullaqtiqtuq hulilukaarutininik ukunatitut iganiqmut ayuirhainiq, maniliqininnganullu maniliuqpallaangittunut, qanuriliurutilu niqiqarutiyarnik.

Tadja, Niqitsiavut ayuirhaiyut Iihariaqpaallivingani atauhiqmi havauhiqmi, ilihaidjutingit pittaqtuq malruuknik hitamanut ikaarnimik. Tamna ilihaidjut angmaumayuq tamainnut talvani. Inuit tamaita havaqatigiiktuq tamna ilihaidjut nakuuyumik pigiami, hapkuallu sikuuqtittit, munarhit, palihimat, niuvvaavingillu.

Justin Guitard, Tutqikhaiyuyuq ilihaidjutimut, uqaqtuq tamna ilihaidjutip tikinnahuaqtanganik, “ikayuriami inungit ayuriamiknik pigiamikni nakuutqiamik niqikhanginnik piyukhat ilamiknut, qanuqtullu aturiami niqingit nakuutqiamik th.” Justin uqaqtuqlu angitqiaq talvanngaanit pigiami una tikinnahuarutinga ayuriamikni igaliragumi, niqiliurniq, maniliqininnganiklu.

Tamna ilihaidjut aullaqtiqtuq nampanganic havaktunit , ikayuqtiuyullu. Manikhaqtitauyuq ukunuuna Hivulliqpaq Niqit Newfoundland-Labrador, maniliuqtaungittumik timiqutigiyayut piyuq ihuarhigiami niqiqattiarniq, unalu Nunavut Niqiqattiarniq Katimayit. Piqaqtuq Katimayingit piqaqtuq tallimanik ilayut havaktut ihuarhigiami, aadlanut uqariamikni ihumaliuqnamiknik, ihumaliuriamiklu ilihaidjutinga nakuuyumik pigiami piyariamilu akhuurutauniaruknaqhiunik. Unalu, Qamaniittuaq Hingaiyaqtunut Nakuutqianik Niqiliurniqmut Ayuirhainiq tuniyuq ikayuqtauyumayunut. Justin uqaqtaa quviahuutinga havaqatinganut akhuurutingalu havaqatigiigiami, “taimaa hapkuat inuit ikayuraangatit, taimaa piiqpaktut akhuurutautiyarnik.”



Nicole Kaayak unalu Obid Kudjaak ihuarhaqtut niqiliurutikhanganic tuktumik suuliuriamiknik (Piksa J. Guitard-mit)

Atauhiyuyq hivulliqpaanga ilihaidjutinga ukiumi piyuq Ubluqtuhiviani 14, talvani inuulrammiit ayuirhaqtut igagamiknik, niqiliqiniq, aaniaqtailiniq qayangnaqtuniklu maliktakhat maliktakhangit igaliragumik. 30nguyut ilayut tatqirhiunmi ilihapkaikmata!

Niqitsiavut – Qamaniittuaq Niqiqattiarniq Havauhikhaq

Contact: Justin Guitard

Hivayautaa: (867) 793-2599

Email: niqitsiavut@gmail.com

Taiguagakhamut

Inuusittiariniq imaatut ittuq “atauttikkuq inuorallittut nakuuyumik.” Una taiguagakhaq tuniyuq unipkaanik nunallaani nakurudjutinginnik havaat tamainni Nunaanmi aadlaniklu naunaitkutut nunallaanut piyut nakurudjutimut hivuligiituyut. Tamarmik titiraqhimayut naunaiqtaa nakuuyumik havauhikhat nutaallu havauhikhat. Ihumagilluaqtavut naunaitkutut kitut nakuuyumik havaktut taimaa ayuiriaptiknik aadlanit atuatmiknit.

Tunigumaguvit unipkaanik, qaritauyakkut titiraqluta embracelife@inuusiq.com.

AQUIQTUQLUGU

Aquiqtuqlugu Inuusittiariniq, qaritauyakkut titiraqluta umunnga: embracelife@inuusiq.com.